

Prozesciun cun linternes en vëndres 13 de ma dales 21,00 da Porsenù a Neustift. L'uniun omi Val Badia inviëia düc i ëi a tó pert. Al vëgn organisé n pulman y an dess se anunzié pro l'surastant dl paisc o pro Salvester (Cell. 3337247516) cina en jöbia ai 12 de ma 2016.

Pelegrinaie: le Raiun dl KVV da Bornech inviëia vëdui, vëdues y porsones sores en Lönesch de Pasca de ma al pelegrinaie a **Götzens** dlungia Desproch. An pëia ia da S.Laurënz dales 08:45. Le iade y la marëna costa 34€. Prenotesse cina ai 12 de ma pro le KVV da Bornech al nr. 0474/411149 o al nr. 0471/839760.

„Denuncia dei redditi“: cun osta firma sön la denuncia dei redditi o söl mod. CU podëise destiné l'8‰ ala Dlijia Catolica. Bel giulan.

Implö é la poscibilité da destiné l'5‰ a val'atra organisaziun, tra chëstes ince i **Stüdafüch de Badia** (codesc fiscal 81010180214) o **Müjiga de Badia** (codesc fiscal 81012710216). Dër bel giulan de osc sostëgn.

Müjiga di jogn: n proiet cun n “workshop” de dui dis mët man ai 9 y 10 de messè 2016 tla scora elementara da Corvara. Dedô jará les proes inant tratan l'isté (19.00 - 20.30). Inviá é mituns/mitans che sona bele da almanco dui agn n stromënt. Les iscriziuns é davertes cina ai 30 d'aurí. Informaziuns pro Stefanie al nr. 339/2860969 y Elvis al nr. 334/7150746.


Referat: “Is(s) was?! Essstörungen im Kindes- und Jugendalter” ai 05.05.2016 dales 20:00 te scora mesana a La Ila cun Barbara Pizzinini y Sabine Cagol y organisé dal Consëi de Formaziun dl Comun de Badia.

Le Sorvisc ai Jogn lascia alsavëi che en vëndres ai 6 de ma dará Giorgio Costabiei (dependënt dl ufize dl laur a Bornech) na **consulënza** por co ciafé laur d'isté por jogn/y jones dla Val Badia. La ciarfëise tl zënter dla jonëza Saj.un a La Ila (ciasa dla cultura alzada -2) dales 16:00 ales 17:00 debann y zënza prenotaziun. Infos 0474/523070 (Sorvisc ai Jogn).

La Uniun dles Patrones da S.Martin inviëia a na baratada de ciüf y somënzes ai 05.05.2016 dales 20:00 tl salf di studafüch a San Martin.

Jun a pe cun l'KVV: en mercui, ai 04.05.2016 inviunse düc ala gita *Algunder Waalweg (Parschings-Maran)*. Piun ia dales 07:30 y präibel prenotesse pro Iaco al nr. 0471/839772 cina en lünesch sëra.

Conzerc d'aisciüda: la Müsiga de Badia cun l'grup Wisetime inviëia chësta domënia, ai 1.de ma dales 20:30 te Ciasa Runcher y la müjiga da La Val en sabeda, ai 7 de ma dales 20:30 te palestra da La Val.



Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



Ann C

01.05. - 08.05.2016

6^a Domënia de Pasca


n. 23

Dis dles Crusc

"Periede..."

...Spo
ciafarëise!"

á dit Gejú.



Vangele dla domënia che vëgn - Festa dl'Assënza

Lüca 24, 46-53

Te chël tēmp ti á Gejú dit a sù discepu: Insciö stal tla Scritöra: Le Messia sofrirá y ressoriará dai morc le terzo de, y te so inom ti incundaran a düc i popui, scomencian te lerüsalem, che ai dess dé ota, por che sù picia vëgnes pordená. De chësc sëise os mi testimoni. Y iö ves ortiará jö sön os la scincunda che mi Pere ves á impormetü. Romagnede tla cité, cina ch'i ne gnëis nia implis cun la forza dal alt.

Spo i ál condüt fora dlungia Betània. Dailó ál alzé sò les mans y i á benedì. Y tratan ch'al i benedì, i ál lascé y é gnü alzé sò cuntra cil. Mo ëi s'á injenedlé a l'adoré. Spo ési jüs cun gran ligrëza derevers a lerüsalem. Y ai ê tres tl tēmpl y laldá Idí.

FUNZIUNS SACRES

01.05. 6ª DOMÈNIA de PASCA– S.Florian/Patronn di Stüdafüch

- 10.00 Mëssa por i Stüdafüch con benedisciun de auti y motors
18.00 †ta Maria Piccolruaz / Col d'Anví - aniversar
†ti Giuseppe y Maria Irsara – aniversar
†to Friedl Valentin / †ti dla fam.Ferri

02.05 Lünesc

- 14.00 Sopoltüra dla defunta Teodora Boschetti
19.30 *Devoziun de ma (arjignada ca dala Uniun di Èi)*

03.05. Mertesc - S.Filip y Iaco

- 19.30 †ta Rita Tasser Alfarei - aniversar
†ta Carmela Thaler / †ti Lois y Giovanni Irsara da Castalta

04.05. Mercui – *Mëssa cun i scolars*

- 07.30 †ti Giovanni, Adele y Albert Pescollderungg
†ti Linert y Maria Valentin / por fam. Paul y Ida Valentin

05.05. Jöbia dles Crusc

- 07.00** *Prozesciun dles Crusc a Oies – S. Mëssa*
en onur a S.Ujöp y S.Maria por les animes arbandonades
ad intenziun

06.05. Vëndres dles Crusc – Prüm vëndres dl mëis

- 07.30 †ta Zenl Pitscheider
†ti Paul, Afra y Rosina Declara
vis y †ti de Monica Saning
18.45 *Prozesciun dles Crusc a La Ila - Funziun*

07.05. Sabeda dles Crusc

- 07.40** *Prozesciun dles Crusc te paisc – S.Mëssa*
en onur de S.Padre Pio da Pietrelcina
†ti Angela y Hermann Canazei
†ti Giovanni y Beta Piccolruaz
19.30 *Devoziun de ma (arjignada ca dala Uniun dles Èles)*



08.05. Festa dl'ASSÈNZA – PRÜMA COMUNIUN – De dla Uma

- 09.45 *dan Calonia*: Salüt y ingres te dljia di neocomunicanc
10.00 Mëssa cun i mituns dla 1ª Comuniun y families
17.30 *Corona por la defunta Teodora Boschetti*
18.00 †to Paul Ploner
†to Artur Conrater
†to Manfred Moling en onur de S.Ujöp da Oies

Dala VITA dla CÜRA

Festa dla Crejima a Badia ai 28 de ma 2017

I sun rodunt 1 ann dan la zelebraziun dla Crejima a Badia, porchël orunse bele sègn punsé ala **preparaziun** y ince lascé alsavèi chësc termin adora assá ala popolaziun y ales uniuns.

I inviun i **geniturs di mituns, che vá d'altonn te 1ª y 2ª mesana, a na incuntada en mertesc ai 17 de ma dales 20 h tla Ciasa di Ministranc**. Chësta informaziun vëgn dada ma tres la Plata dla Ploania (porchël, præibel lascedele alsavèi ince ai atri geniturs ch'i conoscëis y che incuntés).

Dala diozeja infora (la Sinoda) vëgn chësc Sacramënt y la preparaziun tres plö odüda na dezijiun sceria y madüda. Sce, spo con dütes les consequënzes.

Siur Degan



La proscima Preparaziun al Bato sará en sabeda ai 14.05.2016 dales 15:00 a La Plí tì salf dles uniuns. Düc i geniturs che á na picera creatüra da batié é inviá a tó pert y se prenoté al nr. 0474/523274.

Comuniun ai amará: ala ti vëgn portata en vëndres, prüm dl mëis, ai 06.05.2016 dales 09:30 inant.

Crejimá: i crejimá dl ultimo ann é dër bel inviá da gni en jöbia, ai 5 de ma dales 19:30 tì local di minis a na incuntada pur arjigné ca la mëssa d'aniversar dla crejima. La presënza de düc é dër importanta.



Tolun pert al dolur di familiars dla defunta Teodora Boschetti che en jöbia, ai 28.04.2016 t'eté de 98 agn é gnüda cherdada dal Signur. Che ala paises tla pesc eterna.

Referat cun Siur Sepl Granruaz: « *Le caresc d'alianza nöia y eterna* » en mercui, ai 04.05.2016 dales 20:00 te Ciasa Runcher. Düc é inviá.

Lavé la dljia: düc chi che pó, èi y èles, **mo dandadüt i geniturs di mituns che vá chësc ann ala Prüma Comuniun**, é períá a gní en mertesc (nia plö lünesc) ai 03.05.2016 da duman a lavé la dljia.

Consëi de Cüra: al se abina en mertesc, ai 10.05.2016.